



	Endeleg
<p style="text-align: center;">FØREMELD INSPEKSJON ved Firda Settefisk AS avd Botnane Lokalitet 13152 Botnane i Bremanger kommune</p>	<p style="text-align: center;">RAPPORT</p>

Verksemda si adresse:	6723 Svelgen	Arkivkode:	06/364, 542.1
Lovverk:	Ureiningslova med forskrifter	Tidsrom for kontrollen:	08.05.2007
FMVA si kontrollgruppe:	Gunn Helen Henne	Kontaktpersonar i verksemda:	Torbjørn Øvrebøtn
evt. anna kontrollgruppe:	Fiskeridirektoratet, Mattilsynet	Risikoklasse:	4

Innhald i rapporten:

Denne rapporten omhandlar dei avvik og merknader som vart avdekkja innan dei kontrollerte områda. Kontrollen omfatta følgjande hovudtema: verksemda si oppbygging og utøving av internkontroll i høve helse-, miljø- og tryggleiksaktivitetar som gjeld ytre miljø (vern mot ureining og ei betre handtering av avfall), produksjons-/forbruksavfall, farleg avfall og risikovurdering/beredskap.

Hovudkonklusjonar:

Fylkesmannen avdekkja 3 avvik, og har ikkje gjeve merknader ved kontrollen. (Avvik og merknad er definert på neste side.)

- **Avvik 1:** Verksemda har manglar ved internkontrollen.
- **Avvik 2:** Verksemda si handtering av farleg avfall er mangelfull.
- **Avvik 3:** Verksemda sine utslepp til sjø er ikkje i samsvar med vilkår i løyve.

Utarbeidd dato: 27.07.2007

For FMVA:

Gunn Helen Henne

1. Innleiing

Rapporten er utarbeidd etter kontroll den 8.5.2007 ved Firda Settefisk AS avd Botnane sitt settefiskanlegg på Botnane i Bremanger kommune. Kontrollen inngår som ein del den kontrollaktiviteten som fylkesmannen si miljøvernavdeling i Sogn og Fjordane har planlagt for dette året.

Målet med kontrollen var å vurdere om krav i utsleppsløyve og ureiningslova med forskrifter vert stetta.

Kontrollen vart gjennomført ved gransking av dokument, ved intervju og inspeksjon av anlegg. Rapporten inneheld omtale av kontrollen og dei avvik og merknader innan miljøvernavdelinga sitt forvaltningsområde som vart avdekt. Vi vil gjere merksam på at *alle* sider av verksemda som kan ha noko å seie for ytre miljø ikkje vart granska ved kontrollen. Verksemda må sjølv aktivt arbeide for å avdekkje feil og manglar og setje i verk nødvendige tiltak.

Definisjonar:

AVVIK vert definert som brot på krav som er fastsett i eller med heimel i helse-, miljø, og tryggleikslvgivinga. (Døme er brot på krav i ureiningslova, forskrifter til lova, utsleppsløyve, og verksemda sine egne rutinar som er nødvendige for å stette styresmaktene sine krav.)

MERKNAD er definert som tilhøve som tilsynsetatane meiner det er nødvendig å peike på for å ivareta helse, miljø og tryggleik, og som ikkje vert omfatta av definisjonen for avvik. (Brot på egne rutinar som inneheld strengare krav enn lovkrava, kan verte omtala som merknad.)

2. Dokumentgrunnlag

Dokumentgrunnlaget for kontrollen var:

- Ureiningslova med forskrifter
- Utsleppsløyve dagsett 24.4.2002
- Verksemda sin eigen dokumentasjon, knytt til den daglege drifta, og tilhøve som har verknad for helse, miljø og tryggleik

3. Avvik

Fylkesmannen avdekte følgjande avvik under kontrollen:

Avvik 1: Verksemda har manglar ved internkontrollen.

Avvik frå: Forskrift om systematisk helse- miljø- og sikkerhetsarbeid i virksomheter (internkontrollforskrifta) §5, 2. ledd.

Kommentar: Verksemda har eit internkontrollsystem som inneheld mange bra moment (t.d har miljøplanen mange gode, konkrete målsetningar i høve til ytre miljø), men sett under eitt er det ein del manglar på enkeltområde, t.d.:

Det er gjennomført ei kartlegging av mogelege risikofaktorar, men dette inkluderer i liten grad ytre miljø, og det er ikkje gått vidare og vurdert risikoen i høve til ytre miljø.

Oversikt over organisasjons- og ansvarstilhøve manglar.

Internkontrollen er lite implementert i verksemda, det vert t.d. ikkje gitt opplæring om internkontrollsystemet til dei tilsette.

Avvikssystem er ikkje tatt i bruk. Avviksmeldingar gjev verdfull informasjon om feil og manglar som oppstår, denne informasjonen kan brukast konstruktivt i verksemda sitt systematiske internkontrollarbeid.

Avvik 2: Verksemda si handtering av farleg avfall er mangelfull.

Avvik frå: Forskrift om gjenvinning og behandling av avfall (avfallsforskrifta) §§ 11-8 og 11-12.

Kommentar: Verksemda har små mengder farleg avfall, og samlar opp ein del før levering. Den farlege avfallet skal leverast årleg, dersom ein produserer meir enn 1 kg farleg avfall totalt.

Det vart også opplyst at det farlege avfallet ikkje har blitt deklarerert ved levering. Alt farleg avfall skal deklarerast på godkjent skjema. Gjenpart av skjemaet skal takast vare på som dokumentasjon på at farleg avfall er levert til godkjent mottak.

Avvik 3: Verksemda sine utslepp til sjø er ikkje i samsvar med vilkår i løyve.

Avvik frå: Utsleppsløyve etter ureiningslova, dagsett 24.4.2002, vilkår 2.

Kommentar: Verksemda sine utslepp til sjø vert ikkje innlagra under overflata. Ved kontrollen vart avløpsvatn frå reinseanlegget sleppt ut i overflata inne i strandsona ved anlegget. Utsleppa var godt synlege både på overflata (feitt) og på botn (fint slam, bakterievekst) ved utsleppspunktet. Utsleppsløyvet har krav om at det skal

etablerast eit fagleg forsvarleg utsleppspunkt innan 1.7.2005.

Verksemda har ikkje noko prøvetakingsopplegg som dokumenterer at reinseeffekten i reinseanlegget oppfyller vilkåra til utsleppsløyvet. Utsleppsløyvet har sett krav om slik prøvetaking.

4. Merknader

Fylkesmannen gav ingen merknader under kontrollen.

5. Andre tilhøve

Fylkesmannen har ikkje omtalt andre tilhøve.